


**S** **LO**  
Afl. 1.25

BRIYANDO FUERTE • TRECIENDO CLARIDAD  
DIALUNA 14 OCTOBER 2024

*Di Pueblo*

**JACKPOT DI  
AFL. 1.650.000,- A BAY BEK  
DEN JACKPOT DI LOTTO 5**  
Sorteo ta diaranson awo



[WWW.SOLODIPUEBLO.COM](http://WWW.SOLODIPUEBLO.COM)



[SOLODIPUEBLO@GMAIL.COM](mailto:SOLODIPUEBLO@GMAIL.COM)

# **PAREHA DI GERLIEN A ATAKA HOBEN BRUTALMENTE; VICTIMA MANDA COLOMBIA**



# **SCARSEDAW DI KLAAPCHI E AÑA AKI DEBI CU CONTAINERNAN LO KEDA PEGA NA JAMAICA**

# **ENDY CROES CAMPAÑANDO DI CAS PA CAS HIBANDO E VISION DI PARTIDO MEP**

Scuchando pueblo su inkietud y brindando informacion di tur trabou realisa durante 3 aña den enseñansa y deporte.



Cuminsando cu 4 florin, bo por gana e suma grandi aki

Afl.

**1.850.000,-**

Obtenibel na cualkier rebendedo di Lotto.

sorteo ta diaranson anochi 7:45 pm



HUNGA AWO





## Prome Minister Evelyn Wever-Croes:

### Declaracion di ciere di Prome Minister na final di conferencia di prensa

# DEN E ULTIMO TRES LUNANAN DI AÑA, BAN SIGUI CU E TRADICIONNAN DI SEMPER, Y BAN HUNTO HIBA NOS PAIS PADILANTI



- Na final di e conferencia di prensa diabierna mainta, Prome Minister Evelyn Wever-Croes a duna un declaracion di ciere. Prome Minister a indica cu pais

Aruba ta den desaroyo y e economia ta bayendo hopi bon. Resultadonan di un encuesta haci pa Banco Central ta indica cu comercio tin confiansa den

e futuro aki na Aruba, cual sigur ta motibonan pa nos sigui ta positivo.

Tambe e mandatario a indica cu tin desaroyonan andando, y cu pa algun hende noticianan cu a sali den e siman aki tabata un sla hopi duro. Pero ta importante pa corda cu nos meta en comun ta pa hiba pais Aruba padilanti, y cu irrespecto kico ta pasando den nos bida, semper tin un mayan cu ta trece oportunidadnan

nobo pa cada un di nos. Oportunidadnan nobo cu energia pa cada un di nos por logra nos metanan.

"Mi kier haci un peticion na cada un di boso aworaki comienso di luna di october. Nos a drenta e ultimo tres lunanan di aña, e tres lunanan na unda nos ta wak mas actividad comercial na Aruba. E lunanan na unda famianan ta bin hunto pa prepara pa fin di aña. Mi kier pidi cada un di boso pa ban sigui cu


e tradicionnan importante aki. Gobierno lo percura pa continuidad di e maneho, pa abo no tin cu kibra bo cabes. Nos lo sigura cu e procesonan andando no tranca pa asina cada un di boso por ta trankil. Lo unico importante ta pa cada un di boso sigui haci loke semper boso a haci pa Aruba, stima bo pais, stima bo famia, stima bo mes y hunto ban hiba Aruba padilanti", Prome Minister a expresa

## AUTO A PERDE CONTROL BAY DAL RIBA UN PALO DI LUS BANDA DI EX-HOUSE OF CHENG



Diasabra madruga un patruya pasando banda di ex-House of Cheng a tuma nota cu un auto a perde control y a bay dal riba un palo di lus.

Afortunadamente ningun hende a resulta herida.





# CASA DI GERLIEN A ATAKA HOBEN BRUTALMENTE; VICTIMA MANDA COLOMBIA

Diadomingo dos siman pasa, un hoben a bira victima di un atake brutal na parkeerplaats di Gusto, na man di casa di Gerlien. E hoben, cu a sufri un maltrato fisico severo, a keda cu herida serio, cu varios corta y boca kibra, cual a obliga dokternan pa manda e victima cu un air ambulance pa Colombia pa haya atencion medico urgente.

Segun fuentenan e agresor ta pareha di Gerlien, Christoffer Williams, y ta

conoci pa su comportacion violento den pasado. Despues di e sucedido el'a bai sconde y hasta ta sospecha cu el'a bandona Aruba pa evita husticia.

Esaki no ta e prome incidente relaciona cu e individuo aki. Algun aña pasa, e mes agresor a tabata involucra den otro incidente den un restaurant, causando un conflicto violento cu yiu homber di promer minister Evelyn Wever-Croes.

E situacion ta alarma comunidad, cu ta reclama pa Gerlien asumi su responsabilidad, y hasi un apelacion fuerte pa Williams entrega su mes na husticia. Esaki ta un momento crucial pa muestra respet pa ley y pa garantisar cu e isla keda un luga sigur pa su habitantenan.

E maltrato severo no tabatin motibo. Williams a sali di gusto y pa smaak a bay agredi e hoben, kende e no conoce y no tabatin



problema.

Ta pidi autoridadnan pa investiga e caso, y ta spera

cu husticia lo prevalece den otro caso di violencia.

## SCARSEDAD DI KLAAPCHI E AÑA AKI DEBI CU CONTAINERNAN LO KEDA PEGA NA JAMAICA

Noticia circulando ta muestra cu varios container di Klaapchi a keda pega den e haf di Jamaica. Esaki ta debi na un atraso grandi den maneho di carga y descarga na e haf. Segun fuentenan, e atraso ta bini di un demanda grandi di trabou na e terminalnan di carga, cu ta resulta

den retrask na entrega di diferente producto, incluyendo e containernan cu Klaapchi.

E problema ta generalmente den Caribe, pues ningun isla den Caribe lo ricibi e cargacion. Lo mester usa loke tin di aña anterior.

Esaki ta trece cune cu pa cambio di aña por tin menos klaapchi, cual di otro banda ta alivia e carteranan un poco.

Tur cos ta indica cu lo no tin pagara e aña aki.

## POLIS A BAY ATENDE CU CHAUFFEUR CU A CORE AUTO MALO ZIG ZAG RIBA CAMINDA

Diabierna anochi a drenta informe di cu tin un auto coriendo zig zag riba caminda y finalmente a bay para den Apollostraat, mesora a dirigi un patruya na e sitio.

Na yegada di e patruya polis a papia cu e chauffeur y a hala su atencion.





## Lucha pa Reforma (LPR)

# LPR KIER HACI HISTORIA CU E PROME ENTREGA DIGITAL DI LISTA DI CANDIDATONAN NA ARUBA



Oranjestad, 11 di oktober 2024 – Den un paso pionero pa democracia di Aruba, Lucha pa Reforma (LPR) a anuncia cu e lo ta e prome partido den historia

di Aruba cu lo entrega su lista di candidatonan totalment digital dia 18 di oktober 2024. E echo aki, cu ta posibel segun articulo 16, inciso 2 di

Ordenansa di Eleccion, ta reafirma e compromiso di LPR cu reforma, progreso y inovacion den e proceso politico.

E partido a scohe conscientemente pa e ruta digital como un paso simbolico pa un proceso di eleccion mas moderno y mas eficiente. Cu e uzo di e opcion pa entrega di forma electronico, LPR ta manda un mensahe cla: e momento a yega pa stop di haci comosifuera cu politica ta un cuestion di ta fiel na un color of un cuestion di popularidad. Aruba mester los di politica tradicional y busca un manera realmente nobo di traha. E iniciativa aki ta

cuadra cu nos deseo pa mas transparencia, inovacion y un futuro dinamico pa Aruba.

E lider di partido, Rycondo Nascimento, a subraya e importancia di e decision aki:

"Awe nos ta muestra cu renobacion ta posibel ora nos tin curashi pa scohe diferente. LPR ta dedica na nabega un rumbo nobo pa un gobernacion mas eficiente y un mayan miho pa tur ciudadano. E entrega digital aki ta solamente e cuminsamento di nos vision pa yuda Aruba drenta un futuro mas profesional y prospero." Cu e paso aki LPR ta enfatisa cu no solamente

ta importa loke nos ta haci, sino tambe e manera nos ta haci e. Inovacion y eficiencia ta fundamental den filosofia di e partido. E entrega digital di lista di candidatonan ta un refleho concreto di e filosofia aki. E proceso aki, cu lo tuma luga cu transparencia total y repetando Consejo Electoral, ta marca un paso nobo pa logra un proceso electoral mas lihe y eficiente.

LPR ta invita otro partidonan pa tuma e mesun direccion y ta keda habri pa dialogo pa continua modernisacion di nos sistema politico.

## TECH CAMP GRIT! DI WOW ARUBA A EMPODERA MUCHA MUHERNAN HOBEN

### Pa sigui un carrera den tecnologia



14 di oktober 2024 - Women empOwering Women (WOW) Aruba a organisa cu exito su prome tech camp GRIT! caminda un grupo grandi a participa den e tech camp, cu e

meta pa inspira y informa mucha muhernan hoben tocante di oportunidadnan cu por tin den un carrera den e area di tecnologia. Un di e presentadornan

principal den e seminario tabata Sra. Wendy Koffy, Head of Business Operations na Aruba Bank, cu a duna un presentacion importante tocante di pago digital. E presentacion di Sra. Koffy a enfatisa e importancia creciente di tecnologia y con mucha muher por bira lider den e espacio innovativo aki.

Aruba Bank, como un patrocinador orguyoso di e prome tech camp GRIT!, a tene un rol fundamental



pa haci e evento posibel, duna sosten na e mision di WOW Aruba pa promove igualdad di genero y inspira

e proximo generacion di lidernan muher den tecnologia.



# PROME MINISTER EVELYN WEVER CROES A CAMPAÑA HUNTO CU ENDY CROES, BISHITANDO Y SCUCHANDO

Den weekend por a sigui basta movecion politico riba nos isla. Aki por mira lider di Mep canando cu Endy Croes, unda a scucha preocupacionnan y saluda. Nan a wordo super bon ricibi.





Lider di Fraccion di MEP, Hendrik Tevreden:

# TIN DI KITA GEOFFREY WEVER COMO MINISTER, APESAR DI SU SALIDA DI RAIZ -NO TRADICIONAL?

Aruba 14 di october 2024: Fraccion di MEP den Parlamento tambe ta haya e pregunta aki for di pueblo. Politicamente no ta usual cu un minister cu ta bandona su partido den coalicion ta keda forma parti di ministerraad. Minister Independiente un otro novum di Partido no tradicional Raiz. Aki ta hiba bo na comprende cuanto bruhamiento Raiz-no tradicional a trece den final di e gobernacion aki. Kisas ta un opcion pa minister Geoffrey Wever finalisa su termino como minister demisionario te cu entregamento di lista, algun ta pensa y otronan ta bisa te ora cu pueblo scoge e proximo gabinete.

Lider di Fraccion di MEP, Hendrik Tevreden a indica cu Wever ta un bon tercio, pero e filosofia no tradicional ta uno bastante bruha. Wever como minister ta tin dificultadnan pa a logra su metanan cu e a propone.

Basta tempran e a ripara cu governa di un filosofia di 'buki' no ta trece resultado positivo. Seramento di Dump ad hoc, separa e departamento di nos Grandinan, pa minister Ursell, y perde RWZI pa otro minister ora cu no por a concretisa un solucion ta e minimo pa menciona. Sinembargo loke Raiz – no tradicional a logra ta pa crea duda den partidonan sin experiencia y base di historia di gobernacion. Kisas por laga Wever atende su cartera ainda te cu entrega di lista pasobra gobierno no tin mester di mas caos, o pa duna Ursell su cartera. Fraccion di MEP ta sostene pa e continua y evita awor un Ursell bruha mas cos. Echo ta keda cu ta na su partido Raiz pa duna opinion si nan ta sostene.

E fraccion ta enfatisa cu, a pesar cu no tur ora MEP tabata di acuerdo cu Wever, semper e actua na un manera profesional si, y

por a comunica bon cu ne. Y profesionalmente ta haya cu e intencion pa controla interes di tiendanan cu ta duna fianza atraves di AFTA ta algo positivo cu e a implementa ", Tevreden a expresa. Gabinete Wever-Croes II kier pa pueblo por beneficia di un mihor interes pa ora ciudadanonan ta scoge pa un fianza den tiendanan y no kier pa interesnan halto sigui. Nos tin di evita cu interesnan abusivo y demasiado halto ta sigui wordo usa ora di duna fianza na ciudadanonan

Partido RAIZ – no tradicional, awor na filigrana

Un otro factor politico ta keda si cu pa Partido RAIZ no tradicional, e salida di Geoffrey Wever ta un golpi politico duro. Wever den gobernacion, tawata wordo mira como nan mihor minister. Pa hopi, e Partido RAIZ no tradicional, lo



no recupera despues di e salida di Wever, y e futuro di e partido ta wordo poni den duda pa mantene asiento den e proximo eleccion.

Un aspecto clave di e tension entre Wever y su ex partido ta cu nan palabracionnan no tawata solido. Parce cu Wever no tur ora tabata di acuerdo cu e decisionnan cu su ex Partido ta tuma contra MEP y siguramente esaki lo a contribui na e desaroyo di e friccion. No tabatin otro solucion cu pa Wever retira y laga Raiz -no tradicional na filigrana.

A pesar di tur esaki, fraccion di MEP

ta expresa su deseo di exito pa Geoffrey Wever den futuro. Nan ta dese'e suerte cu e retonan su dilanti y su escogencia. Sinembargo ta importante pa pueblo realisa cu tur e tendencianan aki no tradicional, solamente a causa bruhamiento, y destruccion. Ta na comunidad awor pa scoge cu si nan ta continua na duna e ideologianan aki sosten, o si ta duna oportunidad na esnan cu respeta nos tradicion pero cu e boluntad pa haci cosnan mihor y den un manera inovativo den politica.

## POLIS A BAY CONTROLA UN AUTO PARA BANDA DI SETAR

Diasabra madruga a drenta informe di cu tin un auto sospechoso para na e entrada pa bay Setar su garage, mesora a dirigi un patruya na e sitio. Na yegada di e patruya a bin compronde cu aki ta trata di un auto cu a haya flat tire y hendenan ta biniendo pa yude.





# MINISTER ENDY CROES A LANSA E BUKI BAHUL PLUS PA TUR SCOL SECUNDARIO

## Ta conta e historia di Status Aparte y e lucha di nos Libertador Betico Croes

Recientemente, Minister Endy Croes a anuncia e buki titula: Bahul Plus. E buki ta trata e historia di “staatsinrichting”, e lucha pa Status Aparte y e bida di nos Libertador Betico Croes (den feliz memoria). Tur scol secundario den luna di november proximo ta ricibi e buki anticipando e fecha natalicio di Betico Croes dia 25 di januari. E alumnonan lo ricibi e informacion den un forma di les y na final lo haya un “toets”. “Mescos cu nos ta

siña e historia di tur pais rond di mundo, ta bale la pena pa nos sa nos propio historia”, Minister Endy Croes a subraya.

“E comision a traha hunto cu Departamento di Enseñansa di Aruba y diferente profesional pa diseña e buki aki. A traha 2 aña riba e proyecto y a haci varios investigacion pa sigura cu tur loke cu a wordo skirbi ta cuadra cu e realidad. Pa prome biaha den historia di Aruba

ta lansa e buki aki pa garantisa cu nos herencia y nos historia keda graba pa semper. Nos no mag di lubida e lucha aki,” Minister Endy Croes a enfatisa.

Minister Endy Croes a indica cu e proyecto aki ta inicia den scol secundario y kisas den futuro lo amplia pa scol basico. “Ta importante pa e hobennan conoce e berdadero historia di e lucha pa logra Status Aparte, Himno



y Bandera y kico Betico Croes ta significa den e lucha aki”, Minister Endy Croes a finalisa.

# JACKPOT DI AFL. 1.650.000,- A BAY BEK DEN JACKPOT DI LOTTO 5

## Sorteo ta diaranson awo

Aruba – 14 di october, 2024: E jackpot miyonario di Lotto 5 di fecha 13 di juli no a wordo cobra dentro di e 90 dianan y a caduca. Pa es motibo e jackpot di 1 miyon 650 mil florin ta wordo poni bek den e pot di Lotto 5! E jackpot di Lotto 5 pa diaranson 16 di october lo a bira 200 mil florin, pero awo e lo bira un total di 1 miyon 850 mil florin!

Lotto 5 ta costa solamente 4 florin pa ticket y bo por combina bo 5 numbernan for di 01 te cu 35, si bo no sa cua numbernan pa kies, bo ta puntra bo rebendedor pa un loco y asina bo ta den

wega pa bira e siguiente miyonario y gana e jackpot di 1 miyon 850 mil florin cu Lotto 5.

Corda busca bo Lotto 5 trempan, pa asina bo no keda afo di e sorteo miyonario di diaranson awo cu Lotto, e Loteria di Aruba. Tambe Lotto ta ofrecebo e opcion pa por cumpra bo weganan di Lotto Online, kieren si bo no tin chens pa sali cumpra bo weganan preferi di Lotto, bo por cumpre for di bo smart phone, tablet of bo computer!

Si ainda bo no tin un cuenta di Lotto Online,

bishita [www.lottoaruba.com](http://www.lottoaruba.com), traha bo cuenta di hungado y asina cu bo wordo aproba, bo por cuminsa hunga Lotto online tambe!

Sorteo di Lotto 5 ta hunga diaranson awo pa 7.45PM y por cumpra bo ticket na bo rebendedor favorito desde awe caba te cu diaranson 7.30PM.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus, y e diferente weganan di



Raspa y Gana y Instacash. Tambe lo por hunga Lotto Online door di bishita: [bit.ly/30Iz5K9](http://bit.ly/30Iz5K9) pa por registra. Cumprando Lotto bo ta contribui na deporte riba nos isla. E meta ta pa

organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



# MINISTER MADURO TA FELICITA E GRUPO DI ADUANERO CU A CUMPLI 40 ANIVERSARIO



Recientemente un grupo di Aduanero a cumpli 40 aña trahando como empleado publico na bienestar di Pais Aruba.

Pa e ocasion special aki Minister Maduro a ricibi e grupo na Bestuurskantoor pa asina por felicita y entrega nan decreto gubernamental correspondiente y tambe un regalo pa recorda e aniversario importante aki di trabou.

Minister Maduro ta felicita y gradici sra. Patricia M. Illis, sr. Roald J.A. Web, sr. Simon L. Becker, sr. Ernestor I. Marin y sr. Constantino J.R. Wernet cu e aniversario importante di trabou.



‘Ta un grupo cu a yuda crea un bon fundeshi pa e Cuerpo di Aduana cu nan trabou y nan experiencia acumula durante 40 aña, algo cu nos mester aprecia como comunidad,’ tabata Minister Maduro su palabranan pa expresa su gratitud na e Aduaneronan presente y tambe na sra. Magda J. Cardoze y sra. Catharina M. Fingal cu tambe a cumpli 40 aniversario, pero no por tabata presente pa ricibi nan felicitacion den persona.

Masha danki na cada un di boso pa boso aporte na bienestar di Pais Aruba.





# ENDY CROES CAMPAÑANDO DI CAS PA CAS HIBANDO E VISION DI PARTIDO MEP

Scuchando pueblo su inkietud y brindando informacion di tur trabou realisa durante 3 aña den enseñansa y deporte.



Diahuebs atardi, Endy tabata den San Nicolas, unda cu a cana cas pa cas, di porta pa porta pa comparti e vision y e logronan di partido MEP den gobernacion.

Tambe, a scucha e inkietud di e habitantenan y a contesta tur pregunta.

Alabes, a comparti e trabounan cu el a realisa durante tres (3) aña den e tereno di enseñansa y deporte.

Por ultimo, Endy Croes ta gradici pa e caluroso recepcion y ta conta cu nan sosten dia 6 di december proximo!

“Nos compromiso ta sigui”, Endy a finalisa.

Un amigo pa semper! Endy SI!





# FUTURO TA ANUNCIA ASOCIACION HISTORICO DI LIDERAZGO CONHUNTO

Den un stap innovador pa e panorama politico di Aruba, FuTUro orguyosamente ta anuncia un acuerdo historico. Lider oficial di e partido nobo, mr. Gerlien Croes ta comparti su responsabilidad cu mr. Geoffrey Wever, marcando asina, pa prome biaha den historia politico di Aruba, e hecho cu un partido ta adopta un modelo di liderazgo conhunto.

E concepto aki ta kibra cu e status quo di politica tradicionalista pa habri caminda na e cambianan cu e desafionan di e temponan actual ta exige, esta di modelonan innovador di liderazgo. Uniendo forsa entre dos profesional dinamico, FuTUro ta pone e bon gobernacion, bienestar general, transparencia y unidad na prome luga; balornan cu ta fundeshi di e partido.

Croes, cu su experiencia den parlamento, ta conti-

nua como lider oficial y legal di FuTUro, mientras cu Wever lo aporta na e liderazgo politico y ehecucion di e vision di partido for di e experiencia obteni den e ambito gubernamental. Hunto, lo guia e partido cu un vision comparti cu tin como obhetivo representa e interes di tur Arubiano y traha na bienestar di e isla, basa riba e idealnan di Bon Gobernacion, Transparencia, Unidad y Representacion.

“E acuerdo aki ta bay mas leu cu dos lider,” asina Gerlien Croes a indica. “Ta trata di un manera nobo di traha pa e futuro di nos pais. Nos ta comprometi na haci loke ta corecto pa Aruba, y esey ta loke a trece nos na e punto aki, di tin e curashi y humildad pa kibra cu pensamiento anticua y construi hunto e futuro cu nos tur merece.”

Di su banda, Geoffrey Wever a expresa cu “E colabo-



racion aki ta demostra cu e mentenan profesional nobo den politica por traha hunto pa e bienestar di tur ciudadano, lagando un banda e ambicion individual y na su luga pone e beneficio di pueblo. Mi ta sinti mi honra di asumi e responsabilidad

aki hunto cu Gerlien Croes pa hunto lucha den trece un impacto positivo duradero.” E posicion aki di FuTUro ta un testimonio di e dedicacion di e partido pa cu progreso; y cu liderazgo real ta bin for di colaboracion. Na momento cu e isla ta en-

frenta retonan compleho, e liderazgo dual di FuTUro ta priminti un modelo di gobernacion mas inclusivo, transparente y cu bista pa futuro. Exactamente loke tin mester pa atende cu e momento transcendental di Aruba.

## POLIS A PARA UN AUTO CU NO TABATA TIN SU PAPELNAN NA ORDO

Diasabra madrugá durante patrúya polis a nota un auto para na Elleboogstraat masha sospechoso mesora polis a para e auto y a bay

atende cu e chauffeur oranje a pidie e papelnan di e auto pero esakinan no tabata na ordo polis a dune un boet y a scual e chauffeur.

**Clasificados**

Icons: car, house, shopping cart, briefcase, tools, people.

CLASSIFIEDS

SOLODIPUEBLO@GMAIL.COM  
CEL. 585 9500

SOLO Di Pueblo





# SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Como Poeta Artista di 67 primavera , Lady Ruth tambe tawata un di e dichosonan cu a ricibi un ticket regalo pa por a bay scucha y participa na e conferencia CREATIVO organisa pa GO CULTURA recientemente den Renaissance Conference Center dianan 8 y 9 oktober 2024. Un bunita gesto di un di nan patrocinadornan di curason. Y como Poeta Pintor Pensionado (Adulto Mayor) a aprecia e gesto aki masha hopi mes. Nos ingles no ta na nivel academico, pero nos a comprende bon locual ta enserra nos creativonan cu e.o. camindanan largo tin biaha pa ricibi fondo pa por realiza proyectonan na bienestar di nos pilar turismo y nos mesun localnan. Nos lo purba menciona number di e oradornan, y un crenchi di algo di locual algun di nan a comparti y inspira nos tur cu ne. E caminda un crenchi complica pa yena varios formulario ta uno responsabel, pasobra un artista no por ricibi fondo sin mas, pero tin cu duna cuenta y traha un report di su “Artist Fee” y na unda ela gasta y inverti su placa ricibi den su arte of su proyecto . Esnan representa pa a papia tawata

di SMAC, CEDE ARUBA, ARUBA TOURISM AUTHORITY, AHATA. Geraldine Buckley, Daniel Tecklingburg ,Ronella Croes, Tirsia La Sorte y e.o. tambe Luc Alofs, Mary-Ann Falconi Rasmijn, e director di Filomena College San Nicolas Raquel Lampe cu ta un artista creativo su mes tocante arte den scol como algo esencial y importante, Elizabeth Guani-pa cu a defende nos idioma Papiamento pa ser usa den e forman na yega crea bo arte, e fundacion Chico Harms a wordo menciona y elogia, e proyecto di historia di steelpan y mas. Nos mesun hendenan a destaca den nan ingles hopi bon, e.o. Ronchi de Cuba tocante moda con ela cuminsa subi e trapi di exito, Dercheliën Croes y algun mas. Un reto pa nos oradornan sigur, pero , mirando cu nos ta un isla turistico cu lesnan den e idioma Papiamento, Hulandes, Spanjo y Ingles na scol, e programa a cana hopi nechi mes cu un “ Joke in between” di e grupo “Djies pa hari” riba screen, un grupo carnavalistanan baylando como intro di e charla di Geraldine y riba e di dos dia un Poema di Ruthy Vrieswijk-

Bergen titula CREATIVO su contenido na ingles dushi y simpel a la Lady Ruth. Ronella Croes y Tirsia La Sorte a papia hopi cos bunita y interesante relaciona cu nos turismo su olanan di bayle ariba nos dushi isla. Y cu esaki Lady Ruth kemen un chispa di e comienzo y desaroyo den e exito di nos pilar Turismo den economia despues di Lago Oil Refinery su cierre na anjanan ochenta. Un cos ta sigur, tur presente ta di acuerdo cu nos cultura y arte den creatividad ta mas y mas importante pa nos aki na Aruba tambe. Nos por corda e charla amistoso y caluroso di Clara Reyes di St. Maarten cu tema bo historia. Busca informacion di bo historia serca bo grandinan y contele. Mr. John King di Barbados tambe a destaca den su charla y ta recorda tur creativo pa inscribi y proteha bo derecho riba bo producto crea. Manera e producto “ musica Reagea” di Jamaica. Mr. King a comparti cu duele na su curason, con tin cu collecta placa pa entierro di artistanan cu semper mester a lucha pa sobrevivir na su pais. E orador di Aruba pa Lady Ruth cu mas a destaca ta Thais Franken cu tawata den su grupo scout Kimball O’hara hopi anja pasa, un bunita mucha muhe cu a crese y florece den un hende muhe hoben-adulto, sabi, talentoso y profesional den su trabao na Universidad di Aruba. Ki bunita ela papia, firme cu conviccion. Manera e compas menciona pa Ronella Croes : Curashi, Curiosidad, Compasion y Curason. Un programa Creactivo bon hinka den otro pa su organisadornan Edjean Semeleer y Arthur Loefstok y nan team den un directiva di Go Cultura cu ya pa anjas ta trahando cu curpa y alma pa mehora




y pa proteccion di nos dushi cultura, nos arte, locual ta authenticamente di nos, nos Dera gai, nos bailenan, nos cuminda crioyo y hopi mas cu mas y mas ta hanja oido cu atencion. Ta imposible comparti tur locual a wordo cubri e dos maintanan aki den un Renaissance Conference Center cu dushi cuminda crioyo cu excelente servicio. Por a lesa mas di dje den Diario algun dia pasa relata pa e periodista profesional Yorlenny Oduber den extenso y na un manera mas eleva. Nos ta manera nos planta televisor Tele Aruba, chikito, simpel, crioyo pero sofisticado cu nos mesun zjeitonan,( cu tambe tawata presente pa a transmiti y of graba e conferencia aki di Creactivo). Nos ta conclui , felicitando Mateo Lopez cu e obra mahestralmente

dramatiza, un tremendo obra skirbi pa Arthur Loefstok cu a impacta e publico laga tur hende keto keto sin moef. Y last but not least, nos pabien di curason cu hopi bendicion pa e curason y motor di CREATIVO conference Edjean y Arthur. Cu mas bon trabao y bon proyectonan cultural artistico na caminda sigur ! Un “bearhug grandi diki gordo pa boso dos” y pa Amy y Yolanda Richardson pa nan tremendo trabao como MC y moderador . Y pa tur nos grandinan, adulto mayor, un sunchi riba nan cabes, den nan luna di celebracion ! No ta tur hende tin e privilegio di crese bira un adulto mayor . Sea humilde y gradicido pa cada bendicion ! Y conta boso yuinan y nietonan boso storia pa nan por sigui contele !



# TAEKWONDO TEAM ARUBA A GANA TK5 NA CORSOU



Den fin di siman Taekwondo Team Aruba a participa den e TK5 na Corsou unda cu Aruba, Corsou y Surinam a participa cu atletanan entre 9 pa 11 aña.

Aruba a habri e evento contra di Surinam. E prome rond di 5 minuut unda cu cada 5 atleta ta bringa 1minuut.

Surinam a cuminsa bon contra Aruba den e prome rond y Surinam tabata ganando cu un score di 47 pa 35 contra di Aruba.

Aruba a subi veld bek den e di dos rond y e atletanan a cuminsa pone Surinam bou

presion y e score a termina na 66 pa 73 pa Aruba. Den e di 3 rond Aruba a bolter e scoring board completo y Aruba a gana Surinam cu un score di 115 pa 75.

Den Final Aruba a topa cu Corsou y Aruba a bataya contra di Corsou pa gana. Aruba a gana cu un score di 48 pa 3 contra di Corsou y asina a logra gana e Copa di TK5 na Corsou.

**HOTLINE**  
**SOLO**  
De Pueblo  
744-0444  
**CAPT'E**  
**Y MAND'E**

**Clasificados**

**CLASSIFIEDS**

**SOLODIPUEBLO@GMAIL.COM**  
**CEL. 585 9500**

**SOLO**  
De Pueblo



# E LIMITENAN TECNOLÓGICO DI AMOR




Rastrea, spiona, revisa e celular of drenta den e e-mail di e pareha si permiso pa miedo cu ta existi un di tres persona ta u realidad di e relacionnan di e era digital. Hopi biaha, e obsesion pa descubri un infidelidad por nubla e sentido, poniendo nos viola e privacidad di nos pareha. Pero kico pasa si no tin engaño of indicacion di infidelidad?

Den siglo XXI, e uzo di telefon y e-mail pa comunica a converti den e norma. Famia, amistad y colega di trabao ta intercambia di mensahe y mescos ta sosode den foro y aplicacion, caminda e personanan ta busca amistad te cu relacion romantico of hasta amante. Esaki a añadi un dimen-

sion nobo n'e relacionnan amoroso. Pa algun pareha, e confiansa ta tal cu nan ta comparti password y ta revisa nan celular sin problema. Otro, ta prefera di mantene un barera di privacidad cu, den algun caso nan por sconde un relacion extramarital.

E problema ta surgi ora cu e inseguridad ta hiba un persona pa invadi e privacidad di su pareja. E comportacion aki por tin consecuen- cia grave tanto p'e relacion como p'e persona cu ta spiona. Vigilancia constante ta genera desconfianza y tension, loke por caba den conflicto y den e pio di e casonan, den e ruptura di e relacion. Fuera di esey, esun cu ta spiona hopi biaha, ta aisla su mes socialmente, enfocando asina hopi den vigila cu e ta descuida otro area di su bida.

E impacto den e salud fisico y psicologico tambe ta significativo. E stress cronico cu e vigilancia compulsivo ta genera por caba den ansiedad y depresion. Igual- mente, stress constante ta



afecta e salud fisico, au- mentando e riesgo di male- sa di curason y otro probl- ema.

For di un punto di bista le- gal, accede na dispositivo personal sin permiso ta un delito. Dependiendo di e gravedad, por yega na san- cion penal.

Ta fundamental recorda cu e ausencia di prueba di

infidelidad no mester in- terpreta como traicion. Tin biaha hende ta mantene encuentro extramarital un secreto, no tur conducta ta sospechoso tin un inten- cion scondi. P'esey e comu- nicacion habri y honesto ta esencial pa mantene e con- fiansa den un relacion.

Fuerta di easy, busca ayuda profesional por ta vial pa evita cay den patronchi de- structivo.

## Paga bo cuenta online ta facil

Sea **Abonnement of Aviso**

Pago online, facil y lihe

Pa hasi pago online pone nomber y adres na cuenta di banco RBC Sunmax Printing account # 7700000100152447

Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - October 13, 2024

<b>CATOLICHI</b> Sorteo # 4416 <b>8643</b> <b>0879</b> <b>7653</b> MULTI X FP BIG 4 Sorteo # 4416 <b>9812</b> MULTI X X2 1OFF Sorteo # 2472 <b>7508</b> ZODIAC Sorteo # 4416 <b>0526</b> Capricornio LUCKY 3 Sorteo # 1290 <b>262</b> MULTI X X5	<b>LOTTO 5</b> Sorteo # 0 x Jackpot 0 x Match 4+ 0 x Match 4 0 x Afl. 12,00 <b>Joker Letter</b> <b>Proximo Jackpot</b> <b>180.000,-</b>	<b>LOTTO DIA</b> Sorteo # 0 x Jackpot 0 x Match 4 0 x Afl. 8,00 <b>Proximo Jackpot</b> <b>58.000,-</b>	<b>MEGA</b> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 <b>Mega Ball</b> <b>Proximo Jackpot</b> <b>350.000,-</b>	<b>MEGA</b> <b>Afl. 450.000,-</b>	<b>KORSOU</b> Sorteo # 
---	---	--	--	--------------------------------------	-------------------------------



# CANDELA DI AUTO A CAUSA DAÑO NA PALO DI LUZ TAMBE



Shiribana - Diadomingo atardi habitantenan di Paradera y Shiribana a cuminsa mira huma preto, na un cas conoci unda tin hopi auto rond.

Polis cu a yega basta lihe a tuma nota di un auto na candela cerca di un palo di luz.

Mientrastanto brandweer ya tawata na caminda y yegando.

Segun habintantenan cerca; parse ta custumber di esnan na e cas di pega candela. Esaki segun un habitante.

E biaha aki no ta conoci kiko lo por a bay robes, pero un pickup Chevrolet Avalanche a pega candela y kima por bisa casi full. Esaki a causa basta formacion di huma cu por a wor-

do mira for di un distancia. Bomberonan a logra domina e candela cu parcialmente lo a afecta un palo di luz. Elmar a wordo poni na altura di esaki pa pasa wak si mester bay cambia esaki si of no.

**Clasificados**  




**SOLODIPUEBLO@GMAIL.COM**  
**CEL. 585 9500**  




**OLIVE TREE'S  
PRE-PAID  
FUNERAL PLAN**

**PAY AS YOU CAN**

Piedraplat ☎ 582 0000  
Sanicolaas ☎ 584 8888 | 5820000  
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411  
www.olivetreefuneralhome.com

## SUDOKU

	3					5	6	
1			6					
		5	8			9	1	
9								
								5
	8	1			2	3		
					9			2
	5	9					4	

	7			2			4	6
	6					8	9	
2			8			7	1	5
	8	4		9	7			
7	1						5	9
			1	3		4	8	
6	9	7			2			8
	5	8					6	
4	3			8			7	











# POLIS A BAY NA THE VILLAGE




## PA ATENDE CU UN PELEA








Diasabra madruga a drenta informe di un pelea na The Village, mesora a dirigi 2 patruya na e sitio. Na yegada di e patruya a bin compronde cu e pelea a caba y cu lo ta trata di bouncernan cu lo a bringa pero no tabata tin nada di bringamento mas.





















ORACION DI DIA



Un feliz siman yena di bendicion, gracia, amor y paz di Señor

El a hisa su cara na shelo y a gradici Dios. (Mateo 14,19)

Rumannan nos tur conoce kico ta nifica un situacion basta preta p.e.

un ocasion den cual nos recursonan ta hopi limita. Ki-ermen si nos ta confia solamente riba nos capacidad of nos recursonan nos lo keda desampara. Pero Hesus si por dirigi e situacionnan aki. Ta trata di cuanto hende?

Nos no sa, pasobra e cifranan ta simbolico.

Den Bijbel "diesdos" ta muestra nos riba e diesdos tribonan di Israel. E diesdos macutonan cu e pida pan-nan cu a resta ta muestra nos riba e diesdos tribonan di Hesus su Israel nobo. E manera cu Hesus a tuma e pan y a bendicion'e lo mester recorda tur Cristian riba nos celebracion di

Eucaristia. E fiesta aki den aire liber ta un prefiguracion di nos Eucaristia, cu Hesus mes meymey di su pueblo. Den e revelacion biblico e cuminda ta expresa e bida cu Dios ta duna su pueblo.

E mana cu e pueblo a come despues di a sali for di Egipto y awa cu nan a bebe na Horeb y hopi otro reali-dadnan smbolico ta un prefiguracion di e don cu ta sali for di boca di Dios loke a keda cumpli den Hesucristo.

Oracion: Mi Señor y mi Dios, gloria na Bo Señor Hesus.  
Amen



# CONCACAF NATIONS ARUBA CAY VENCI NA MAN DI HAITI DEN UN WEGA COMPETITIVO



Den un encuentro tenso den e Concacaf Nations League, Aruba no a logra un victoria contra Haiti, sufriendo un derrota di 3-1 dilanti un publico di 1,311 hende.

Tyron Perret Gentil di Aru-

ba a cuminsa cu un gol tempran, marcando den di 6 minuut. Sinembargo, Haiti a responde rapidamente, cu Frantzdy Pierrot a iguala e marcador den e 31 minuut. Duckens Nazon a pone Haiti dilanti cu un gol di pinalti

den 38 minuut, y a agrega un otro gol den 61 minuut, solidificando e bentaha di Haiti.

Aruba lo tin un oportunidad pa recupera mientras cu ta prepara pa enfrenta Haiti dialuna, 14 di Okto-

ber, pa 8:00 PM. Fanatico lo ta ansioso pa mira si Aruba por cambia e rumbo den e encuentro cu ta bin.

## HOTLINE



744-0444

CAPT'E  
Y MAND'E

